



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An sponsus resilire possit à sponsalibus juratis ob deflorationem
sponsæ vi ab alio corruptæ?

urn:nbn:de:hbz:466:1-41144

quædam species donationis, quæ debet esse liberalis, & libera. 2. ut remissio sit mutua; alias illa duntaxat pars ab obligatione libera erit, cui facta est remissio, non autem illa remisit jus sibi quæsumum. 3. Ut remissio sit partibus sufficienter nota, & utrinq[ue] acceptata. Cæterum si unus absque justa causa petat relaxationem sponsalium, potest exigere compensationem pecuniariam; lecūs si ex justa causa petat; quia tuncjus habet ad dissolvendum, nec æquum est, ut quis emat rem suam. Gob. n. 265.

431 Ad 2. Q. R. sponsalia etiam iurata dissolvi per subsequentem fornicationem, decisum est, C. quemadmodum de iurejur. ubi duplex redditur ratio, 1. quia fornicatio matrimonio superveniens, ipsum dissolvit quoad thorum: ergo à fortiori dirimet sponsalia, per quæ sponsi obligantur ad matrimonium contrahendum. 2. Quia tali iuramento inest tacita conditio, nisi alter peccet & fidem frangat; frangenti enim fidem, fides servanda non est, & quia ob hoc fornicans fit suspectus de fide in futurum servanda.

Ubi tamen notandum est, hanc sponsalium dissolutionem esse in solius innocentis favorem, adeoque fornicantem obligatum manere, innocentem verò ab obligatione liberum esse, ita ut si ipse velit, nocens obligatus sit ad eorum im-

pletionem. *citt. C. quemadmodum de jurejur.* & DD. communiter cum Sanch. D. ss. n. 6. Sot. Sylv. Covar. Laym. Wiest. Schmalzgr. quia proprium delictum non debet immunitatem præstare fornicanti, & absolutionem à contractu, & insuper quia quod favore alicujus introductum est, non debet in ejus damnum retorqueri, l. quod favore, C. de legibus. & DD. communiter.

An autem, si sponsa illatā vi ab altero cognita sit, sufficiens, & justa causa sit dissolvendi sponsalia, dubium est, & controversum. Non nulli cum Tabien, V. sponsalia, q. 9. n. 10. cas. 6. & Armill. eod. n. 12. arbitrantur, sponsalia per vim ab alio sponsæ illatam, seu stuprum non dissolvi, nec esse causam sufficientem resiliendi. Ratios dant; quia oppressio violenta in conjugib[us] non est causa sufficiens faciendi divorciū: ergo neque in sponsis dat causam resiliendi à sponsalibus: 2. Quia per hoc quod violenter fornicationem patiatur, non violat fidem; nec ideo presumi potest periculum ejus postea in matrimonio violandæ. Nihilominus,

Oppositum tenet communis, ac probabilior sententia cum Gloff. in C. quemadmodum 25. V. oculo de iurejur. Abb. ibid. n. 12. Covar. p. 1. de spons. c. 5. n. 2. Sylvest. V. sponsalia n. 10. cas. 7. Sanch. l. c. D. ss.

D. 55. Laym. l. 5. tr. 10. p. 1. c. 2. aliisque. Colligitur id ex can. raptor 33. caus. 27. q. 2. ubi raptus violentus sponsæ non consentientis agnoscitur pro causa sufficiente, ut à sponsalibus possit sponsus recedere. Et ratio anterior est; quia sponsa per hoc redditæ est notabiliter vilior, & sponsus maxima infamia notâ afficeretur; rari enim credent, eam omnino invitam corruptam esse, & etsi crederent, homines tamen abhorrent contrahere cum taliter corrupta, fors etiam cum periculo alienæ prolis alendæ. Unde.

Patet responsio ad 2, rationem in contrarium adductam, nam cur possit sponsus à sponsalibus resilire non est fides sponsalitia violata, sed est valde notabilis mutatio, antecedenter non prævisa. Ad primam rationem negatur conseq. & parit, nam cum matrimonium arctius inducat vinculum, quam sponsalia, mirum non est, graviores etiam requiri causas ad illud quoad thorum, & cohabitationem dissolvendum, quam ad sponsalia dirimenda.

432 Ad 3. Q. 1. membrum, an ob fornicationem præcedentem possit sponsus, qui eam ignorabat, putans esse Virginem, à sponsalibus resilire, negativam sententiam tenent aliqui cum Paludan. in 4. dist. 27. q. 1. a. 3. n. 16. quam probant tum ex c. quemadmodum 5. citt.

ubidicitur, quod sponsus non possit obiciere fornicationem præcedentem, sed tantum subsequentem; non enim videtur esse partis inter utramque: nam ob fornicationem subsequentem licitum est à sponsalibus resilire; quia verisimile non est, quod sponsa etiam in matrimonio sit fidem servatura, quæ fregit sponsalitiam: hæc autem ratio non militat pro fornicatione præcedente, cum multi ante sponsalia incontinentes inveniantur, qui iis initis, & in matrimonio se continent, & fidem servant,

Verum posse sponsum in eo 433 casu renuntiare sponsalibus, & ab eis recedere, docet longè probabilius aliorum DD. sententia, quam tenet Hugo c. raptor 27. q. 2. Molina tr. 2. D. 272. num. 4. Gutier c. 34. de matr. num. 3. Perez sect. 14. num. 3. Sanch. l. 1. D. 63. num. 3. Sylvest. q. 10. Cas. 6. Rosell. V. sponsalia, n. 9. Navar. sum. c. 22. Sotus Cas. 7. Wiestn. h. c. n. 108. Schmalzgr. h. c. de spons. n. 177. & alii. Ratio est; quia causa hæc de novo cognita notabilem fecit mutationem, cum ignominiosum sit viro foeminæ ab alio corruptam ducere: Quare sponsus graviter decipitur, & tantum consentit per errorem dantem causam contractui, atque adeò is à decepto rescindi potest; præterea sponsus notabile damnum incurrit, cum bigamus fiat, ac proin